



# SLUŽBENI GLASNIK OPĆINE ŽIVINICE

**GODINA LI**

**15. JULI 2015.GODINE**

**BROJ 11**

Na osnovu člana 13. Zakona o principima lokalne samouprave („Službene novine FBiH“, broj: 49/06) i člana 24. i 118. Statuta općine Živinice („Službeni glasnik općine Živinice“, broj: 4/12), a u vezi implementacije revidirane strategija za implementaciju Aneksa VII Dejtonskog mirovnog sporazuma i unaprijeđenja pitanja od značaja za raseljena lica i povratnike na nivou Općine Živinice, Općinsko vijeće Živinice na sjednici održanoj dana 17.06.2015.godine, donosi

## **ODLUKU**

### **O naknadama članova Komisije za socijalnu zaštitu i inkluziju i Općinskog operativnog tima**

#### **I**

Ovom Odlukom uređuje se pravo na naknadu članovima Komisije za socijalnu zaštitu i inkluziju i Općinskog operativnog tima i visina naknade.

#### **II**

Članovima Komisije za socijalnu zaštitu i inkluziju i Općinskog operativnog tima pripada mjesečna naknada za isplatu u neto iznosu od 7,5% od prosječne plate F BiH, za mjesec u kome je održana najmanje jedna sjednica.

#### **III**

U slučaju da ova Odluka sadrži drugačija rješenja u odnosu na odluke i druga akta kojima je uređena ova oblast, primjenjivat će se odredbe ove odluke.

#### **IV**

Odluka stupa na snagu danom donošenja i objavit će se u „Službenom glasniku općine Živinice“, a primjenjivat će se za period od 01.04.2015. godine.

### **O b r a z l o ž e n j e**

UNHCR je 2014. godine započeo provedbu projekta pod nazivom „Podrška trajnim rješenjima Revidirane strategije za provedbu Aneksa VII Dejtonskog mirovnog sporazuma“. Na osnovu UNHCR-ove analize općina Živinice je ušla u realizaciju navedenog projekta među 10 općina u BiH (tri iz FBiH). Ukupna vrijednost projekta je 8.107.500 EUR. Zbog realizacije navedenog projekta Općinski načelnik je Rješenjem broj 01/2-05-89-811/14 od 04.07.2014. godine i 01/2-05-89-812/14 od 04.07.2014. godine imenovao članove Komisije za socijalnu zaštitu i inkluziju i Općinski operativni tim. U navedenu Komisiju i OOT imenovani su članovi iz reda organa uprave, doma zdravlja, centra za socijalni rad, crvenog križa, nevladinih organizacija, izbjeglih i raseljenih osoba, povratnika, policije i obrazovanja.

Članovi Općinskog operativnog tima su imenovani i u Radnim grupama za socijalnu zaštitu i inkluziju, Radnoj grupi za ekonomsku održivost i Radnoj grupi za stanovanje, tako da se u toku mjeseca zna održati i do 5 sastanaka. Na svim sastancima u zavisnosti od problematike su prisutni predstavnici UNICEF-a, UNHCR-a, OSCE-a, Hilsferk i drugi.

Napominjemo da su sredstva za rad članova Komisije i OOT predviđena u Budžetu općine Živinice za 2015. godinu.

Kako pojedini članovi navedene komisije i OOT nisu zaposleni, da nebi došlo do odustajanja članova i dovođenje u pitanje realizaciju navedenog projekta na kome se radi skoro 10 mjeseci, potrebno je usvojiti navedenu Odluku.

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKO VIJEĆE**

Broj: 10-05-3397-27/2015

Datum: 17.06.2015. godine

**Predsjedavajuća  
Općinskog vijeća**

**Samra Omić-Zoletić,s.r.**

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**OPĆINA ŽIVINICE**

**- Općinski načelnik-**

Broj: 10-05-3625/15

Živinice, 08.07.2015. godine

Na osnovu člana 15. Zakona o principima lokalne samouprave u Federaciji Bosne i Hercegovine („Sl. novine Federacije BiH“ br. 49/06) i člana 18. i 24. Statuta Općine Živinice („Službeni glasnik Općine Živinice“, broj 4/12), na prijedlog Općinskog načelnika, Općinsko vijeće Živinice na svojoj redovnoj sjednici održanoj 29.06.2015. godine donosi

### **O D L U K U**

**o izmjeni i dopuni Odluke o visini naknada u postupku usklađivanja redova vožnje na području općine Živinice**

#### **Član 1.**

Član 1. Odluke o visini naknada u postupku usklađivanja redova vožnje na području općine Živinice, broj: 09-05-6399/08 od 01.07.2008. godine ("Sl. glasnik Općine Živinice", broj: 5/08) se mijenja i glasi:

"Ovom odlukom se uređuje visina naknada koje će zainteresirana pravna i fizička lica, u smislu odredaba Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra, broj: 01/06-02-2-1554/13 od 02.10.2013. godine ("Sl. novine FBiH", br. 79/13), uplaćivati u korist budžeta Općine Živinice za provođenje postupka usklađivanja redova vožnje na području općine Živinice, kao i po prigovorima i žalbama na pojedine radnje u ovom postupku".

#### **Član 2.**

Član 2. Odluke o visini naknada u postupku usklađivanja redova vožnje na području općine Živinice, broj: 09-05-6399/08 od 01.07.2008. godine ("Sl. glasnik Općine Živinice", broj: 5/08) se mijenja i glasi:

"Naknada za postupak usklađivanja redova vožnje na području općine Živinice za svaki prijavljeni polazak i za svaki prijavljeni povratak iznosi:

- |              |  |
|--------------|--|
| a) 100,00 KM | za novi red vožnje,  |
| b) 80,00 KM  | za stari red vožnje sa promjenom odnosno stari red vožnje sa promjenom usljed više sile, |
| c) 50,00 KM  | za stari red vožnje."  |

### Član 3.

Član 3. Odluke o visini naknada u postupku usklađivanja redova vožnje na području općine Živinice, broj: 09-05-6399/08 od 01.07.2008. godine ("Sl. glasnik Općine Živinice", broj: 5/08) se mijenja i glasi:

"Naknada za troškove rješavanja prigovora na prijedloge redova vožnje i ostale radnje, koji se odnose na postupak usklađivanja, a koje rješava prvostepena Komisija iznose:

- a) 100,00 KM za prigovor za novi red vožnje (pojedinačno za svaki polazak i svaki povratak),
- b) 50,00 KM za prigovor za stari red vožnje sa promjenom (pojedinačno za svaki polazak i svaki povratak)."

### Član 4.

Član 4. Odluke o visini naknada u postupku usklađivanja redova vožnje na području općine Živinice, broj: 09-05-6399/08 od 01.07.2008. godine ("Sl. Glasnik Općine Živinice", broj: 5/08) se mijenja i glasi:

"Naknada na podnesenu žalbu izjavljenu na odluku prvostepene komisije, za određeni red vožnje na koji se odnosi žalba iznosi:

- a) 50,00 KM za stari red vožnje sa promjenom,
- b) 100,00 KM za novi red vožnje.

Po okončanju postupka usklađivanja ovjerava se usklađeni red vožnje i upisuje u registar redova vožnje, a itinereri koji su sastavni dio redova vožnje se ovjeravaju uz naplatu propisane naknade."

### Član 5.

Član 5. Odluke o visini naknada u postupku usklađivanja redova vožnje na području općine Živinice, broj: 09-05-6399/08 od 01.07.2008. godine ("Sl. Glasnik Općine Živinice", broj: 5/08) se mijenja i glasi:

"Naknada za ovjeru reda vožnje, ukoliko se ne vrši redovno usklađivanje (produžavanje važnosti registrovanih redova vožnje za naredne tri godine) iznosi 500,00 KM za svaki red vožnje.

Poslije člana 5. Odluke o visini naknada u postupku usklađivanja redova vožnje na području općine Živinice, broj: 09-05-6399/08 od 01.07.2008. godine ("Sl. Glasnik Općine Živinice", broj: 5/08) dodaju se sljedeći članovi i glase:

### Član 6.

Naknade za:

- a) ovjeru starog reda vožnje sa statusnom promjenom 200,00 KM,

- b) ovjeru reda vožnje sa promjenom usljed više sile 20,00 KM (sa itinererom),
- c) ovjeru itinerera usklađenog reda vožnje 10,00 KM (za svaki red vožnje),
- d) ovjeru kooperantskog ugovora 30,00 KM (svih šest ugovora),
- e) brisanje linije (polaska/povratka) iz registra redova vožnje 20,00 KM,
- f) odobravanje reda vožnje 100,00 KM (za svaki polazak i povratak).

Za tačke a), b), e) i f) donosi se rješenje i uplaćuje se propisana naknada za rješenje te uz doneseno rješenje vrši se i ovjera reda vožnje (dovoljan broj primjeraka).

### Član 7.

Ova odluka stupa na snagu danom objavljivanja u Službenom glasniku Općine Živinice i važit će četiri godine od dana njenog donošenja.

### Obrazloženje

Stupanjem na snagu Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra, broj: 01/06-02-2-1554/13 od 02.10.2013, ("Sl.novine FBiH", br. 79/13), prestaje da važi Pravilnik o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra ("Službene novine Federacije BiH", broj 79/06).

Pravilnikom o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra, broj: 01/06-02-2-1554/13 propisuju se uslovi za učešće u postupku usklađivanja, odobravanja i registracije redova vožnje, kriteriji, način vođenja i rokovi za završetak pojedinih radnji postupka usklađivanja, odobravanja i registracije redova vožnje, način rješavanja prigovora prevoznika na polazak ili povratak na redu vožnje drugog prevoznika, način objave redova vožnje autobusnih linija, obrazac, sadržaj i način vođenja registra redova vožnje za linijski prevoz putnika u cestovnom prometu Federacije Bosne i Hercegovine.

Općinsko vijeće Živinice u okviru svojih nadležnosti donosi propise o porezima, taksama, naknadama i doprinosima Općine u skladu sa zakonom pa je na osnovu navedenih činjenica donesena ova odluka.

Predsjedavajuća Općinskog vijeća

Samra Omić Zoletić, s.r.

Bosna i Hercegovina  
Federacija Bosne i Hercegovine  
Tuzlanski kanton  
**OPĆINA ŽIVINICE**  
**Općinsko vijeće**  
Broj: 10-05-3396/15  
Živinice, 29.06 2015. godine

Na osnovu člana 13. Zakona o principima lokalne samouprave Federacije BiH ("Sl. novine Federacije BiH" br. 49/06), člana 24. Statuta Općine Živinice ("Sl. glasnik Općine Živinice" br. 4/12), člana 218. i člana 217. Zakona o upravnom postupku Federacije BiH ("Sl. novine Federacije BiH" br. 2/98. i 48/99.), Općinsko vijeće Živinice, postupajući po zahtjevu Vasić Radomira sin Radovana nastanjen u ulici Sveti Sava ZM-C-10/39. iz Zvornika, zastupan po punomoćniku Ahmećanović Murisu iz Živinica, u predmetu ispravke greške u Rješenju br. 09-05-6252/07. od 17.05.2007. godine na sjednici održanoj dana 29.06.2015. godine donosi s l j e d e ć i

### ZAKLJUČAK

**I - Ispravlja se greška** u Rješenju Općinskog vijeća Živinice br. 09-05-6252/07. od 17.05.2007. godine tako što se u tački II dispozitiva umjesto teksta koji glasi;

"Razlika rente za IV zonu veću korisnu površinu objekta Vasić Radomir sin Radovana dužan je i obavezan uplatiti na žiro-račun Općinskog vijeća prije izdavanja rješenja o urbanističkoj saglasnosti i rješenja o gradnji."

unositi tekst koji glasi;

"Razliku rente za veću korisnu površinu objekta, koja u IV-oj zoni za 1. m<sup>2</sup> iznosi 18,00. KM. (osamnaest KM), a što za ukupnu razliku u površini od 48. m<sup>2</sup> iznosi 864,00KM (osamstotinašezdesetčetiri KM) Vasić Radomir sin Radovana iz Zvornika dužan je uplatiti na žiroračun Općine Živinice - Fond za nacionalizovano zemljište, broj **154 360 200 473 2692. otvoren kod Intesa Sanpaolo Banke.**

**II** - Ovaj zaključak je sastavni dio Rješenja navedenog u tački I dispozitiva i ova ispravka ima pravno dejstvo od dana od kada pravno dejstvo ima i rješenje koje se ispravlja.

**III** - Ostali dio Rješenja ostaje nepromijenjen.

### O b r a z l o ž e n j e

Dana 12.12.2013. godine Službi za geodetske i imovinsko-pravne poslove općine Živinice "zahtjev za rješavanje statusa upisa zemljišta u zemljišnoknjižnom uredu" podnio je Vasić Radomir sin Radovana iz Zvornika

U podnijetom zahtjevu imenovani, između ostalog navodi da je Općinsko vijeće Živinice, za zemljište koje je od njega izuzelo i dodijelilo drugom licu, njemu dodijelilo drugu odgovarajuću parcelu, što je sve učinjeno Rješenjem Vijeća br. 09-05-6252/07. od 17.05.2007. godine pravosnažno sa 17.07.2007. godine, i da je Zaključkom br. 10-05-6252-1/09. od 01.09.2009. godine ispravljena greška u navedenom Rješenju. Dalje navodi, da je za razliku između izuzetog i dodijeljenog zemljišta, njemu Opština Živinice uplatila iznos od 576. KM. a da je on bio u obavezi da Općini Živinice uplati na ime rente određeni novačni iznos (razlika u većoj površini objekta koju će imenovani graditi na dodijeljenoj parceli, u površini od 48. m<sup>2</sup>) što on do sada nije učinio.

Uz zahtjev je priložio Rješenje br. 09-05-6252/07. od 17.05.2007. godine, Zaključak o ispravci greške u Rješenju br. 10-05-6252-1/09. od 01.09.2009. godine, Prepis posjedovnog lista od 21.11.2007. godine, dokaz o uplati administrativne takse i potvrdu o predaji podneska.

Dana 22.04.2015. godine, u službene prostorije Općine Živinice pristupio je Muris Ahmećanović iz Živinica i u spis predmeta priložio punomoć o zastupanju Vasić Radomira OPU-OV br. 1370/2015. od 16.04.2015. godine ovjerenu od Jusufa Halilovića, notara sa službenim sjedištem u Živinicama, i na zapisnik kod Službe za geodetske i imovinsko-pravne poslove izmijenio zahtjev na način da traži da Općinsko vijeće Živinice ispravi grešku u navedenom Rješenju na način kako je to pobliže navedeno u tački I dispozitiva Zaključka.

U toku postupka po službenoj dužnosti pribavljen je Posjedovni list br. 06/2-30-2275/15-2. od 30.04.2015. godine, Kopija katastarskog plana br. 06/2-30-2276/2015-3. od 04.05.2015. godine, Zemljišnoknjižni izvadak br. 033-0-NAR-15-000 882. od 11.05.2015. godine, Odluku o određivanju naknade za preuzeto građevinsko zemljište u 2006. godini br. 010-05-3206/06. od 09.06.2006. godine i Odluku o visini rente za 2006. godinu br. 010-05-3207/06. od 09.06.2006. godine.

Iz provedenog dokaznog postupka utvrđeno je sljedeće činjenično stanje:

Uvidom u Rješenje broj 09-05-6252/07. od 17.05.2007. godine, koje je pravosnažno sa 17.07.2007. godine, Zaključak o ispravci greške u navedenom Rješenju br. 10-05-6252-1/09. od 01.09.2009. godine, utvrđeno je da je Vasić Radomir sinu Radovana iz Zvornika Općinsko vijeće Živinice (za zemljište koje je dodijeljeno drugom licu ) dodijelilo zemljište označeno kao k.č.br. 755/172. K.O. Živinice Grad, kojem po starom premjeru odgovara parcela označena kao k.č.br. 894/4. K.O. Živinice.

Uvidom u Posjedovni list br. 06/2-30-2275/15-2. od 30.04.2015. godine i Kopiju katastarskog plana br. 06/2-30-2276/2015-3. od 04.05.2015. godine utvrđeno je da je Rješenje provedeno u katastarskom operatu općine Živinice, međutim iz uvida u zemljišnoknjižni izvadak utvrđeno je da isto nije provedeno u zemljišnoj knjizi, upravo iz razloga što Vasić Radomir nije ispunio svoje obaveze prema navedenom Rješenju.

Uvidom u Rješenje (dipozitiv i obrazloženje) nesporno proizilazi da se predmetno zemljište nalazilo u vrijeme donošenja Rješenja u IV-oj zoni, da je Općinsko vijeće Živinice na osnovu Odluke o određivanju naknade za preuzeto građevinsko zemljište u 2006. godini br. 010-05-3206/06. od 09.06.2006. godine, utvrdilo obavezu Općine Živinice da Vasić Radomir, za razliku u površini između izuzetog i dodijeljenog zemljišta (ukupno 60. m<sup>2</sup>) plati naknadu od 9.60KM za 1.m<sup>2</sup> što za navedenu površinu ukupno iznosi 576,00 KM.

Iz zahtjeva Vasić Radomira kojim je pokrenut ovaj postupak proizilazi da je Općina Živinice prema njemu ispunila obaveze u pogledu razlike za izuzeto i dodijeljeno zemljište, međutim Vasić Radomir Općini Živinice nije platio naknadu na ime rente mada je u predmetnom Rješenju utvrđena obaveza za površinu od 48. m<sup>2</sup>

Takođe iz obrazloženja navedenog Rješenja proizilazi da je na zemljištu (čiji je korisnik bio Vasić Radomir a dodijeljeno drugom licu) predviđena gradnja objekta u ukupnoj površini od 252. m<sup>2</sup> a na zemljištu koje je dodijeljeno Vasić Radomiru predviđena izgradnja objekta u ukupnoj površini od 300. m<sup>2</sup> pri čemu se pojavila razlika u površini od 48. m<sup>2</sup>.

Uvidom u Odluku o visini rente za 2006. godinu br. 010-05-3207/06. od 09.06.2006. godine (Odluka koja je bila na snazi u vrijeme donošenja Rješenja) utvrđeno je da za razliku u površini objekta od 48. m<sup>2</sup> Vasić Radomir je dužan za IV zonu građevinskog zemljišta platiti 18,00 KM po 1 m<sup>2</sup> što za površinu od 48. m<sup>2</sup> iznosi 864,00KM.

Uvidom u Rješenje br. 09-05-6252/07. od 17.05.2007. godine utvrđeno je da je Općinsko vijeće Živinice jasno utvrdilo da je Vasić Radomir dužan platiti razliku rente za površinu od 48. m<sup>2</sup> ali je očiglednom greškom propustio izvršiti obračun iste po tada važećoj odluci i navesti broj računa na koji treba izvršiti uplatu.

Imajući u vidu ovako utvrđeno činjenično stanje, te stav upravne prakse da se greške u dispozitivu rješenja koje su tehničke naravi i koje su očita netačnost npr. greška u imenima ili brojevima, pisanju ili računanju kao i druge očite netačnosti, bilo da je takva greška unesena u rješenju ili je greškom nešto izostavljeno mogu se ispraviti u svako vrijeme, jer nije ograničeno rokom, iz kojeg razloga je Općinsko vijeće Živinice utvrdilo da je zahtjev stranke osnovan, te je zaključilo kao u dispozitivu, primjenjujući odredbe čl 217. Zakona o upravnom postupku FBiH koji propisuje da organ koji je donio rješenje, odnosno službena osoba koja je potpisala ili izdala rješenje, može u svako vrijeme da ispravi greške u imenima ili brojevima, pisanju ili računanju, kao i druge očigledne netačnosti u rješenju ili njegovim ovjerenim prepisima. Ispravka greške proizvodi pravni učinak od dana od koga proizvodi pravni učinak rješenje koje se ispravlja.

**Pouka o pravnom lijeku:**

Ovaj zaključak je konačan u upravnom postupku i protiv njega se ne može izjaviti žalba ali se može pokrenuti upravni spor podnošenjem tužbe Kantonalnom sudu Tuzla u roku od 30. dana od dana prijema zaključka. Tužba se podnosi neposredno sudu.

Butković Suvad dipl. pravnik

Dostaviti:

1. Vasić Radomir sin Radovana po punomoćniku Murisu Ahmećanoviću (Ciljuge b.b. Živinice)
2. Općinsko pravobranilaštvo Živinice
3. Službeni glasnik Općine Živinice
4. Služba za geodetske i imovinsko-pravne poslove Općine Živinice
5. Služba za budžet i finansije Općine Živinice
6. a/a.

**Predsjedavajuća Općinskog vijeća  
Živinice**

---

**Samra Omić-Zoletić,s.r.**





**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKO VIJEĆE**

Tel.: ++387 35 743 392 - fax: ++387 35 743 393

Broj: 10-05-3397-1/2015

Dana, 01.7.2015. godine

Na osnovu člana 24. Statuta općine Živinice („Sl. glasnik općine Živinice”, br. 4/12) i člana 102. Poslovnika o radu Općinskog vijeća Živinice – prečišćeni tekst („Sl. glasnik općine Živinice”, br. 13/2012), Općinsko vijeće Živinice na sjednici održanoj dana 17.6.2015. godine, razmatrajući

### **D N E V N I R E D**

1. Nacrt Odluke o usvajanju izmjena i dopuna Regulacionog plana „Riba” Živinice – uže urbano područje.
2. Nacrt Odluke o provođenju izmjena i dopuna Regulacionog plana „Riba”.
3. Nacrt Odluke o donošenju izmjena i dopuna Regulacionog plana „Jezero II” Živinice.
4. Nacrt Odluke o provođenju izmjena i dopuna Regulacionog plana „Jezero II”.
5. Saglasnost na Odluku o produženju mandata v.d. direktora JU „Centar za socijalni rad” Živinice.
6. Prijedlog Odluke o izmjenama i dopunama Odluke o naknadama vijećnika u Općinskom vijeću Živinice.
7. Prijedlog Odluke o izmjenama i dopunama Odluke o finansiranju parlamentarnih grupa iz Budžeta općine Živinice.
8. Program održavanja lokalnih i nekategorisanih puteva u MZ-ama na području općine Živinice za 2015. godinu.
9. Prijedlog Odluke o davanju saglasnosti Općinskom načelniku u vezi konačne realizacije Projekata sufinansiranja („građani-općina”) po principu M:M.
10. Prijedlog Odluke o izradi integrirane Strategije razvoja općine Živinice za period 2016-2025.
11. Prijedlog Odluke o zaštiti usjeva i zasada na poljoprivrednom zemljištu od poljske štete.
12. Prijedlog Odluke o dodjeli parkirnih stubova za naplatu usluga parkiranja „parkometar/parkomati” JP „Horizontala-Živinice” d.o.o.
13. Prijedlog Odluke o izmjenama i dopunama Odluke o javnim parkiralištima na području općine Živinice.
14. Prijedlog Odluke o izmjeni i dopuni Odluke o visini naknada u postupku usklađivanja redova vožnje na području općine Živinice.
15. Prijedlog Odluke o izmjeni i dopuni Odluke o imenovanju u radnim tijelima Općinskog vijeća Živinice.
16. Prijedlog Odluke o izmjeni i dopuni Odluka o imenovanjima u Upravne odbore JU i Odluka o davanju saglasnosti na imenovanja u Nadzorne odbore JP čiji je osnivač općina Živinice.
17. Prijedlog Odluke o davanju saglasnosti na izmjene i dopune Pravila JU „Centar za socijalni rad” Živinice.

18. Izvještaj o izvršenju budžeta općine Živinice, za period 01.01.-31.03.2015. godine.
19. Prijedlog Odluke o raspisivanju prvog javnog konkursa za prijenos prava vlasništva bez naknade na nekretninama u vlasništvu općine Živinice, licima sa nastradalih područja, u svrhu izgradnje individualnih stambenih objekata.
20. Prijedlog Rješenja o imenovanju prvostepene Komisije za provođenje javnog konkursa o prijenosu prava vlasništva na nekretninama u vlasništvu općine Živinice.
21. Prijedlog Rješenja o imenovanju drugostepene Komisije za rješavanje prigovora protiv Odluke o odabiru korisnika po objavljenom javnom Konkursu.
22. Prijedlog Odluke o prenosu prava posjeda i upisa prava raspolaganja na nekretninama u korist općine Živinice.
23. Prijedlog Rješenja o prenosu nepokretnosti u društvenoj svojini.
24. Zaključak o ispravci greške u Rješenju broj: 10-05-509/13 od 31.01.2013. godine.
25. Prijedlog Zaključka o ispravci greške u Rješenju broj: 09-05-6252/07 od 17.05.2007. godine, po zahtjevu Vasić Radomira sin Radovana iz Zvornika, zastupan po punomoćniku Murisu Ahmećanoviću iz Živinic.
26. Prijedlog Odluke o prestanku JZU „Narodna apoteka” Živinice.
27. Prijedlog Odluke o naknadama članova Komisije za socijalnu zaštitu i inkluziju i Općinskog operativnog tima.
28. Informacija o Projektu toplifikacije Općine Živinice.
29. Izvještaj Komisije za Budžet i finansije o utrošku sredstava namijenjenih za saniranje šteta izazvanih prirodnom nepogodom.
30. Vijećnika pitanja, odgovori i inicijative.

donosi

## ZAKLJUČKE

### I

1. Nacrt Odluke o usvajanju izmjena i dopuna Regulacionog plana „Riba” Živinice – uže urbano područje.
  - Usvaja se Nacrt Odluke o usvajanju izmjena i dopuna Regulacionog plana „Riba” Živinice – uže urbano područje, uz sljedeće zaključke:
    - da nadležna općinska služba dostavi sve informacije u vezi zasebno razmatranih Urbanističkih projekata po zahtjevima „Aden”, „Media-sky”, „Bašćaršija” i hotel „Konjuh”;
    - uvažiti sve primjedbe i sugestije vijećnika koji nisu u suprotnosti sa zakonskom regulativom a o kojima se Vijeće do sada nije izjašnjavalo;
    - da se postojeći nelegalno izgrađeni objekti koji su u koliziji sa planiranim infrastrukturnim objektima i sistemima ne planiraju za izgradnju;
      - sagledati mogućnost izgradnje objekta po zahtjevu Općinskog odbora SDA Živinice;
      - na glavnim gradskim saobraćajnicama planirati uključno - isključne trake na najopterećenijim raskrscima uz posebnu napomenu za raskrscu „finale”. Za magistralne ceste obaviti neophodne konsultacije sa Direkcijom za ceste F BiH;
      - analizirati mogućnost dvosmjernog saobraćaja oko Prve osnovne škole;
        - izbrisati planirane poslovne objekte na lokaciji Gradske pijace u Živinicama.
  - 2. Nacrt Odluke o provođenju izmjena i dopuna Regulacionog plana „Riba”,
    - Usvaja se Nacrt Odluke o provođenju izmjena i dopuna Regulacionog plana „Riba”.
  - 3. Nacrt Odluke o donošenju izmjena i dopuna Regulacionog plana „Jezero II” Živinice,
    - Usvaja se Nacrt Odluke o donošenju izmjena i dopuna Regulacionog plana „Jezero II” Živinice.
  - 4. Nacrt Odluke o provođenju izmjena i dopuna Regulacionog plana „Jezero II” Živinice.

- Usvaja se Nacrt Odluke o provođenju izmjena i dopuna Regulacionog plana „Jezero II” Živinice.

5. Daje se Saglasnost na Odluku o produženju mandata v.d. direktora JU „Centar za socijalni rad” Živinice, kako slijedi:

Na osnovu člana 13. Zakona o principima lokalne samouprave („Službene novine FBiH”, br. 49/06), člana 24. Statuta općine Živinice („Službeni glasnik općine Živinice”, br. 4/12), Općinsko vijeće Živinice na prijedlog Upravnog odbora JU „Centar za socijalni rad” Živinice, na sjednici održanoj 17.6.2015. godine, daje

**S A G L A S N O S T**  
**NA ODLUKU O PRODUŽENJU MANDATA V.D. DIREKTORA JU „CENTAR ZA SOCIJALNI RAD”**  
**ŽIVINICE, BROJ XIII-01-05-2-732-2015**

**I**

Aljić Šemsiji, dipl. pravnik iz Živinica produžava se mandat na dužnosti V.D. direktora JU „Centar za socijalni rad” Živinice na period do imenovanja direktora, a najduže 6 mjeseci.

**II**

Imenovanoj se produžava mandat počev od isteka postojećeg mandata, tačnije od 02.07.2015. godine.

Prava i obaveze V.D. direktora JU „Centar za socijalni rad” Živinice ostaju ista u skladu sa ranijim Odlukama o imenovanju V.D. direktora i dopune Odluke o imenovanju V.D. direktora.

**III**

Saglasnost objaviti u „Službenom glasniku općine Živinice”.

6. Nije usvojena Odluka o izmjenama i dopunama Odluke o naknadama vijećnika u Općinskom vijeću Živinice.
7. Povlači se sa dnevnog reda Prijedlog Odluke o izmjenama i dopunama Odluke o finansiranju parlamentarnih grupa iz Budžeta općine Živinice.
8. Usvaja se Program održavanja lokalnih i nekategorisanih puteva u MZ-ama na području općine Živinice za 2015. godinu, uz primjedbe vijećnika.
9. Donosi se Odluka o davanju saglasnosti Općinskom načelniku u vezi konačne realizacije Projekata sufinansiranja („građani-općina”) po principu M:M.
10. Donosi se Odluka o izradi integrirane Strategije razvoja općine Živinice za period 2016-2025, uz izmjenu u članu 4, tako da umjesto riječi „donosi” treba da piše „izradi”.
11. Donosi se Odluka o zaštiti usjeva i zasada na poljoprivrednom zemljištu od poljske štete, u formi nacрта.
12. Donosi se Odluka o dodjeli parkirnih stubova za naplatu usluga parkiranja „parkometar/parkomati” JP „Horizontala-Živinice” d.o.o.
13. Donosi se Odluka o izmjenama i dopunama Odluke o javnim parkiralištima na području općine Živinice, uz izmjene u članu 7. u kome treba pisati „svi uposleni organa uprave plaćaju po 10,00 KM na mjesečnom nivou”.
14. Donosi se Odluka o izmjeni i dopuni Odluke o visini naknada u postupku usklađivanja redova vožnje na području općine Živinice.
15. Povučena sa dnevnog reda Odluka o izmjeni i dopuni Odluke o imenovanju u radnim tijelima Općinskog vijeća Živinice.

16. Donosi se Odluka o izmjeni i dopuni Odluke o imenovanju predsjednika u članova privremene Skupštine JP „Horizontala-Živinice” – umjesto „Čokić Senada”, pisati „Ružić Jelena”.
17. Daje se saglasnost na izmjene i dopune Pravila JU „Centar za socijalni rad” Živinice,
18. Usvaja se Izvještaj o izvršenju budžeta općine Živinice, za period 01.01.-31.03.2015. godine.
19. Donosi se Odluka o raspisivanju prvog javnog konkursa za prijenos prava vlasništva bez naknade na nekretninama u vlasništvu općine Živinice, licima sa nastradalih područja, u svrhu izgradnje individualnih stambenih objekata.
20. Usvaja se Rješenje o imenovanju prvostepene Komisije za provođenje javnog konkursa o prijenosu prava vlasništva na nekretninama u vlasništvu općine Živinice.
21. Usvaja se Rješenje o imenovanju drugostepene Komisije za rješavanje prigovora protiv Odluke o odabiru korisnika po objavljenom javnom Konkursu.
22. Donosi se Odluka o prenosu prava posjeda i upisa prava raspolaganja na nekretninama u korist općine Živinice.
23. Usvaja se Rješenje o prenosu nepokretnosti u društvenoj svojini.
24. Usvaja se Zaključak o ispravci greške u Rješenju broj: 10-05-509/13 od 31.01.2013. godine.
25. Usvaja se Zaključak o ispravci greške u Rješenju br. 10-05-6252/07 od 17.05.2007. godine.
26. Povlači se sa dnevnog reda Odluka o prestanku JZU „Narodna apoteka” Živinice.
27. Donosi se Odluka o naknadama članova Komisije za socijalnu zaštitu i inkluziju i Općinskog operativnog tima.
28. Informacija o Projektu toplifikacije Općine Živinice – primljena k znanju.
29. Skida se sa dnevnog reda Izvještaj Komisije za Budžet i finansije o utrošku sredstava namijenjenih za saniranje šteta izazvanih prirodnom nepogodom, uz zaključak da predsjednik komisije za narednu sjednicu pripremi izvještaj i dostavi općinskim vijećnicima.

## II

Zaključke objaviti u „Službenom glasniku općine Živinice”.

PREDSJEDAVAJUĆA  
OPĆINSKOG VIJEĆA

Samra Omić – Zoletić, s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKI NAČELNIK  
Broj: 01/2-05-89-1108/15  
Datum: 08.07.2015. godine

Na osnovu člana 15. Zakona o principima lokalne samouprave u Federaciji BiH („Službene novine FBiH“ broj 49/06), člana 38. Statuta općine Živinice („Službeni glasnik općine Živinice“ broj 4/12), a u vezi sa članom 52. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH („Službene novine Federacije BiH“, broj 36/99, 54/04, 39/06, 14/09) i jačanja sistema socijalne zaštite/skrbi i inkluzije djece i punoljetnih lica, te implementacije Revidirane strategije za implementaciju Aneksa VII Dejtonskog mirovnog sporazuma i unapređenja pitanja od značaja za raseljena lica i povratnike na nivou Općine Živinice, Općinski načelnik d o n o s i

### **R J E Š E N J E**

#### **O izmjeni rješenja broj 01/2-05-89-812/14 od 04.07.2014. godine**

##### **Član 1.**

U članu 1. rješenja o formiranju i imenovanju članova Operativnog tima pri Komisiji za socijalnu zaštitu/skrb i inkluziju Općine Živinice broj 01/2-05-89-812/14 od 14.07.2014. godine, stav 2. mijenja se u dijelu koji se odnosi na sastav Operativnog tima, tako što će pod rednim brojem 9, umjesto „Muhamed Avdić, predstavnik povratnika – član“ pisati „Smajo Delić, predstavnik povratnika – član“.

##### **Član 2.**

Rješenje stupa na snagu danom donošenja, a objavit će se u Službenom glasniku Općine Živinice.

SČ

DOSTAVLJENO:

1. Muahmed Avdić,
2. Smajo Delić,
3. a/a

OPĆINSKI NAČELNIK

Asim Aljić, dipl. Pravnik,s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKI NAČELNIK  
Broj:01/2-05-89-1106/15  
Datum:08.07.2015. godine

Na osnovu člana 15. Zakona o principima lokalne samouprave u Federaciji BiH („Službene novine FBiH“ broj 49/06), člana 38. Statuta općine Živinice („Službeni glasnik općine Živinice“ broj 4/12), a u vezi sa članom 52. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH („Službene novine Federacije BiH“, broj 36/99, 54/04, 39/06, 14/09) i jačanja sistema socijalne zaštite/skrbi i inkluzije djece i punoljetnih lica, u cilju implementacije projekta „Podrška trajnim rješenjima revidirane strategije za provođenje Aneksa VII Dejtonskog mirovnog sporazuma“, Općinski načelnik d o n o s i

### **R J E Š E N J E**

#### **O izmjeni rješenja broj 01/2-05-89-1121/14 od 08.09.2014. godine**

#### **Član 1.**

U članu 1. rješenja o formiranju i imenovanju članova Radne grupe za ekonomsku održivost broj 01/2-05-89-1121/14 od 08.09.2014. godine, stav 2. mijenja se u dijelu koji se odnosi na sastav Radne grupe za ekonomsku održivost, tako što će pod rednim brojem 4, umjesto „Muhamed Avdić, predstavnik interno raseljenih lica“ pisati „Smajo Delić, predstavnik interno raseljenih lica“, i pod rednim brojem 7. umjesto „Enes Kaljanac, predstavnik UNHCR-a“ pisati „Goran Novković, predstavnik UNHCR-a “

#### **Član 2.**

Rješenje stupa na snagu danom donošenja, a objavit će se u Službenom glasniku Općine Živinice.

SČ

DOSTAVLJENO:

1. Muahmed Avdić,
2. Smajo Delić,
3. Enes Kaljanac,
4. Goran Novković,
5. a/a

OPĆINSKI NAČELNIK

Asim Aljić, dipl. Pravnik,s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKI NAČELNIK  
Broj:01/2-05-89-1107/15  
Datum: 08.07.2015. godine

Na osnovu člana 15. Zakona o principima lokalne samouprave u Federaciji BiH („Službene novine FBiH“ broj 49/06), člana 38. Statuta općine Živinice („Službeni glasnik općine Živinice“ broj 4/12), a u vezi sa članom 52. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH („Službene novine Federacije BiH“, broj 36/99, 54/04, 39/06, 14/09) i jačanja sistema socijalne zaštite/skrbi i inkluzije djece i punoljetnih lica, u cilju implementacije projekta „Podrška trajnim rješenjima revidirane strategije za provođenje Aneksa VII Dejtonskog mirovnog sporazuma“, Općinski načelnik d o n o s i

### **R J E Š E N J E**

#### **O izmjeni rješenja broj 01/2-05-89-1119/14 od 08.09.2014. godine**

#### **Član 1.**

U članu 1. rješenja o formiranju i imenovanju članova Radne grupe za socijalnu zaštitu i inkluziju broj 01/2-05-89-1119/14 od 08.09.2014. godine, stav 2. mijenja se u dijelu koji se odnosi na sastav Radne grupe za socijalnu zaštitu i inkluziju, tako što će pod rednim brojem 9, umjesto „Muhamed Avdić, predstavnik povratnika – član“ pisati „Smajo Delić, predstavnik povratnika – član“.

#### **Član 2.**

Rješenje stupa na snagu danom donošenja, a objavit će se u Službenom glasniku Općine Živinice.

SČ

DOSTAVLJENO:

1. Muahmed Avdić,
2. Smajo Delić,
3. a/a

OPĆINSKI NAČELNIK

Asim Aljić, dipl. Pravnik,s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ŽIVINICE  
OPĆINSKI NAČELNIK  
Broj:01/2-05-89-1105/15  
Datum: 08.07.2015. godine

Na osnovu člana 15. Zakona o principima lokalne samouprave u Federaciji BiH („Službene novine FBiH“ broj 49/06), člana 38. Statuta općine Živinice („Službeni glasnik općine Živinice“ broj 4/12), a u vezi sa članom 52. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH („Službene novine Federacije BiH“, broj 36/99, 54/04, 39/06, 14/09) i jačanja sistema socijalne zaštite/skrbi i inkluzije djece i punoljetnih lica, u cilju implementacije projekta „Podrška trajnim rješenjima revidirane strategije za provođenje Aneksa VII Dejtonskog mirovnog sporazuma“, Općinski načelnik d o n o s i

### **R J E Š E N J E**

**O izmjeni rješenja broj 01/2-05-89-1120/14 od 08.09.2014. godine i rješenja broj 01/2-05-89-115/15 od 30.01.2015. godine**

#### **Član 1.**

U članu 1. rješenja o formiranju i imenovanju članova Radne grupe za stanovanje broj 01/2-05-89-1120/14 od 08.09.2014. godine, stav 2. mijenja se u dijelu koji se odnosi na sastav Radne grupe za stanovanje, tako što će pod rednim brojem 4, umjesto „Muhamed Avdić, predstavnik interno raseljenih lica“ pisati „Smajo Delić, predstavnik interno raseljenih lica“, i pod rednim brojem 7. umjesto „Enes Kaljanac, predstavnik UNHCR-a“ pisati „Goran Novković, predstavnik UNHCR-a“

#### **Član 2.**

Rješenje stupa na snagu danom donošenja, a objavit će se u Službenom glasniku Općine Živinice.

SČ

DOSTAVLJENO:

1. Muahmed Avdić,
2. Smajo Delić,
3. Enes Kaljanac,
4. Goran Novković,
5. a/a

OPĆINSKI NAČELNIK

Asim Aljić, dipl. Pravnik,s.r.



Bosna i Hercegovina  
Federacija Bosne i Hercegovine

**Tuzlanski kanton**

**OPĆINA ŽIVINICE**

**OPĆINSKI NAČELNIK**

Broj: 012-05-89-1143/15

Datum, 14.07.2015. godine

Na osnovu člana 24. Zakona o cestovnom prijevozu Federacije Bosne i Hercegovine („Službene Novine FBiH“ br. 28/06 i 2/10), i člana 4., 5., 33., 34. i 35. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine FBiH br. 79/13; 91/14 i 98/14), Općinski načelnik, putem Službe za lokalni ekonomski razvoj donosi:

### **RJEŠENJE**

#### **o pokretanju postupka odobravanja i registracije reda vožnje za liniju Odorovići - Živinice**

#### **I**

Pokreće se postupak odobravanja i registracije reda vožnje za općinsku liniju Odorovići - Živinice. Red vožnje koji se odobrava ima sledeća vremena polazaka: 6,20; 7,50; 10,15; 11,20; 13,30; 14,35 i 18,30 i povrataka: 7,20; 9,30; 10,50; 12,45; 14,10, 17,55 i 20,00 časova.

#### **II**

Postupak odobravanja iz stava I ovog Rješenja obavit će Komisija za odobravanje općinskog reda vožnje.

#### **III**

Naknada za troškove provođenja postupka odobravanja općinskog reda vožnje, za svaki polazak i svaki povratak iznosi 100,00 KM.

Sredstva se uplaćuju na račun budžeta općine Živinice broj: 1543602004730752, vrsta prihoda 722 611 sa naznakom "za odobravanje reda vožnje" shodno Odluci o izmjeni i dopuni odluke o visini naknada u postupku usklađivanja reda vožnje na području općine Živinice broj: 10-05-3625/15 od 29.06.2015. godine. ("Službeni glasnik općine

#### **IV**

Ostvareni prihod od uplata za postupak odobravanja općinskog reda vožnje koristit će se za pokrivanje troškova provođenja postupka odobravanja redova vožnje.

#### **V**

Komisiju za odobravanje reda vožnje, datum početka rada Komisije i rok za dostavu konačnog izvještaja Komisije o provedenom postupku odobravanja reda vožnje Načelnik će propisati posebnim rješenjem.

## VI

Javni oglas o pokretanju postupka za prikupljanje zahtjeva sa propisanom dokumentacijom, za odobravanje i registraciju reda vožnje, objaviti će se u Službenom glasniku općine Živinice, na službenoj web stranici općine Živinice i u dnevnom listu koji se distribuira na području cijele Federacije BiH.

## VII

Rješenje stupa na snagu danom donošenja i objaviti će se u „Službenom glasniku Općine Živinice“.

Dostavljeno:

1x Oglasna tabla;  
1x Evidencija;  
1x a/a.

**OPĆINSKI NAČELNIK**

Asim Aljić dipl.pravnik,s.r.

Bosna i Hercegovina  
Federacija Bosne i Hercegovine

**Tuzlanski kanton**

**OPĆINA ŽIVINICE**

**OPĆINSKI NAČELNIK**

Broj: 01/2-05-89-1120/15

Datum, 10.07.2015. godine

Na osnovu člana 4. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine FBiH br. 79/13; 91/14 i 98/14), Općinski načelnik donosi:

### **RJEŠENJE** **o formiranju komisije**

I

Imenuje se komisija za provođenje postupka odobravanja općinskog reda vožnje (u daljem tekstu Komisija), u sastavu:

- Bilal Tulumović, dipl.ing.saobraćaja, predsjednik
- Razija Selimović, dipl.ing.teh., član
- Dinka Muhić, dipl.pravnik, član

Mandat Komisije traje od dana donošenja ovog Rješenja do okončanja svih poslova vezanih za postupak odobravanja općinskog reda vožnje na liniji Odorovići - Živinice.

II

Zadatak komisije je da organizuje i sprovede postupak javnog odobravanja reda vožnje na općinskoj liniji Odorovići - Živinice u skladu sa Zakonom o cestovnom prijevozu FBiH („Službene novine FBiH“ broj 28/06 i 2/10) i Pravilnikom o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra.

III.

Postupak odobravanja reda vožnje iz tačke II ovog rješenja obaviti će se u prisustvu svih zainteresovanih prijevoznika.

IV

Komisiji, odnosno svakom članu komisije pripada naknada, čiju visinu određuje rukovodilac organa koji provodi postupak odobravanja i registracije reda vožnje, i odrediti će se posebnom Odlukom. Ova sredstva se isplaćuju iz dijela uplaćene naknade za taj postupak.

V

Po okončanju postupka odobravanja općinskog reda vožnje na liniji Odorovići - Živinice Komisija će o svom radu podnijeti izvještaj Općinskom načelniku u roku od 8. dana.

VI

Rješenje stupa na snagu danom donošenja i objavit će se u „Službenom glasniku Općine Živinice“.

Dostavljeno:

1. članovima Komisije;
2. Službi;
3. U spis.

**OPĆINSKI NAČELNIK**

**Asim Aljić, dipl.pravnik,s.r.**

Bosna i Hercegovina  
Federacija Bosne i Hercegovine  
Tuzlanski kanton  
**OPĆINA ŽIVINICE**  
**OPĆINSKI NAČELNIK**

Broj: 01/2-05-89-1143/15

Datum, 14.07.2015. godine

Općinski Načelnik, putem Službe za lokalni ekonomski razvoj na osnovu člana 24. Zakona o cestovnom prijevozu Federacije Bosne i Hercegovine („Službene novine Federacije Bosne i Hercegovine“ br. 28/06 i 2/10), člana 5. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH br. 79/13, 91/14 i 98/14) i Odluke o izmjeni i dopuni odluke o visini naknada u postupku usklađivanja redova vožnje na području općine Živinice, broj:10-05-3625/15 od 29.06.2015. godine, objavljuje:

### JAVNI OGLAS

#### o pokretanju postupka odobravanja općinskog reda vožnje za liniju Odorovići - Živinice

Pokreće se postupak prikupljanja zahtjeva, sa propisanom dokumentacijom, za odobravanje općinskog reda vožnje za liniju Odorovići – Živinice.

Red vožnje koji se odobrava ima sledeća vremena polazaka: 6,20; 7,50; 10,15; 11,20; 13,30; 14,35 i 18,30 i povrataka: 7,20; 9,30; 10,50; 12,45; 14,10, 17,55 i 20,00 časova.

Pozivaju se svi zainteresovani prijevoznici da podnesu zahtjev za odobravanje reda vožnje i dostave propisanu dokumentaciju za postupak odobravanja.

Uz zahtjev za odobravanje reda vožnje, taksiran sa 3,00 KM općinske administrativne takse prijevoznik je obavezan dostaviti:

- Red vožnje kojim učestvuje na postupku odobravanja i to:
  - u pisanom obliku potpisan i ovjeren od svih prijevoznika upisanih na red vožnje - tri primjerka;
  - itinerer linije prikazan što je moguće detaljnije, jasnije i krupnije na stranici formata A4, dva primjerka;
  - cjenovnik za liniju - dva primjerka
- 2. Dokaze za učesnike prijevoznika na postupku odobravanja općinskog reda vožnje iz člana 11. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra (u daljem tekstu: Pravilnik), od kojih svaki prijevoznik upisan na red vožnje obavezno dostavlja:
  1. Ovjerenu kopiju važeće licence „A“ za obavljanje javnog linijskog prijevoza putnika ili potvrdu nadležnog kantonalnog organa koji izdaje licence;
  2. Potvrdu ili Uvjerjenje da prijevoznik ispunjava obaveze u pogledu plaćanja javnih prihoda ( indirektni i direktni porezi i doprinosi za radnike) izdate od nadležne poreske uprave ili potpisan Sporazum o plaćanju pristiglih obaveza na rate i Potvrdu da prijevoznik isti redovno izmiruje. Datum do kog su izmireni javnih prihodi ili izmirena obaveza iz sklopljenog Sporazuma ne može biti starija od 90 dana u odnosu na dan objave Oglasa za podnošenje dokumentacije u „Službenom glasniku općine Živinice“;
  3. Rješenje o upisu poslovnog subjekta u sudski registar sa spiskom registrovanih djelatnosti, čija ovjera ne može biti starija od 30 dana od dana objave javnog oglasa u „Službenom glasniku općine Živinice“;

4. Uvjerenje o poreskoj registraciji – ID broj i dokaz o prijavi Uprave za indirektno oporezivanje - PDV broj;
5. Spisak uposlenih vozača ovjeren od strane Federalnog zavoda za PIO/MIO (nadležne ispostave);
6. Ovjerenu kopiju važećeg rješenja o ispunjavanju tehničko-eksploatacionih uslova za sve autobuse koje posjeduje u vlasništvu;
7. Ovjerenu kopiju zaključenog ugovora o osiguranju putnika od posljedica nesretnog slučaja ili potvrdu osiguravajuće kuće da je taj ugovor zaključen ili ovjerenu kopiju zaključene police osiguranja za pojedinačno vozilo – autobus;
8. Dokaz o uplati za troškove postupka odobravanja, ovjeren od strane banke (pošte) i priložen uz red vožnje, iz kojeg je vidljiva uplata za svaki polazak, odnosno povratak. Pošto ima više polazaka i povrataka, prijevoznik može jednom uplatnicom uplatiti za sve polaske i povratke, s tim da ukupan iznos uplate odgovara iznosu uplatenom po broju polazaka i povrataka;
9. Za red vožnje koji se održavati u kooperaciji prijevoznik je dužan dostaviti Ugovor o kooperaciji koji, pored drugih elemenata ugovora, obavezno sadrži slijedeće elemente: režim zajedničkog održavanja linije od strane kooperanta, spisak polazaka i povrataka koje održava pojedini prijevoznik i u kojem periodu, način sticanja i raspodjele dobiti između kooperanata, način formiranja cijene prijevoza i druge elemente. Ugovor mora biti potpisan i ovjeren od strane svih kooperanata koji su upisani na red vožnje i od organa nadležnog za ovjeru dokumenata i smatra se sastavnim dijelom predmeta reda vožnje;
10. Spisak registrovanih redova vožnje (**Prilog 4.** Pravilnika) ovjeren kod nadležnog organa za ovjeru dokumenata koji sadrži popis svih registrovanih redova vožnje, nazive linija i kooperanata sa kojim iste održava. Broj polazaka i povrataka razvrstanih po rangju linije i organu organu koji je izvršio registraciju reda vožnje, kao i broj meentitetskih redova vožnje i nazivom kooperanata sa kojima taj red vožnje održava, vremena polaska i dolaska kao i vremena povratka i dolaska za svaki red vožnje, osim međunarodnih redova vožnje.

Dokaz o uplati troškova postupka odobravanja reda vožnje (tačka h) izvršiti na žiro račun budžeta općine Živinice broj: 1543602004730752, vrsta prihoda 722611 sa naznakom “za odobravanje općinskog reda vožnje” shodno članu 2. Odluke o izmjeni i dopuni Odluke o visini naknada u postupku usklađivanja redova vožnje na području općine Živinice i Tarifi općinskih administrativnih taksi i to za svaki polazak i svaki povratak po 100,00 KM.

- 10.2. Red vožnje koji se dostavlja na odobravanje mora sadržavati oznake, deklaracije i druge podatke unesene u propisane obrasce, odnosno u skladu sa članom 8. Pravilnika.
- 10.3. Red vožnje mora biti uređen u skladu sa važećim zakonskim propisima i usklađeni sa daljinom i minimalnim vremenima vožnje na području Tuzlanskog kantona, objavljenim u Pravilniku o dopunama Pravilnika o načinu, kriterijima i postupku za određivanje daljinara i minimalnih vremena vožnje („Službene novine Federacije BiH broj: 23/15). (Daljinar TK, područje općine Živinice – općinske linije).

Zahtjev sa kompletnom validnom dokumentacijom za odobravanje i registraciju reda vožnje dostaviti na adresu:

OPĆINA ŽIVINICE,  
Služba za lokalni ekonomski razvoj,  
„Komisija za odobravanje i registraciju reda vožnje“  
ul. Alije Izetbegovića br. 28  
75270 Živinice

u zapečaćenoj koverti sa obaveznom naznakom „**ODOBRAVANJE REDA VOŽNJE – NE OTVARAJ**“

Zahtjeve sa propisanom i validnom dokumentacijom zainteresovani prijevoznici dužni su dostaviti **u roku od 30 dana** od dana objavljivanja oglasa u „Službenom glasniku općine Živinice“.

Dokaze iz tačke 2. alineja 1. i 2. Oglasa, po službenoj dužnosti pribavlja organ koji vodi postupak usklaivanja. U ovom slučaju, umjesto ovjerene kopije, Komisija može prihvatiti potvrdu ovjerenu od strane organa koji je ovlašten za izdavanje tog dokaza.

Uvjerenja i potvrde iz tačke 2. alineja 2. Oglasa, obavezno moraju imati navedeno da se izdaju u svrhu sudjelovanja na javnom postupku odobravnja reda vožnje.

U postupak odobravanja neće biti uvršten red vožnje koji nije uraen u skladu sa Pravilnikom, tj. red vožnje koji ima nedostatke navedene u članu 19. stav 2. Pravilnika.

Nepotpuni i neblagovremeni zahtjevi neće biti razmatrani i neće biti uvršteni u postupak odobravanja opinskog reda vožnje.

O mjestu, datumu i vremenu održavanja odobravanja reda vožnje (otvaranje koverti) zainteresovani prijevoznici će biti blagovremeno obavješteni putem web stranice Općine Živinice [www.opcinazivinice.ba](http://www.opcinazivinice.ba).  
Prijevoznici potrebne informacije mogu dobiti u Službi za lokalni ekonomski razvoj na broj telefona 035 / 743-324, kontakt osoba je Razija Selimović.

**OPINSKI NAELNIK**

**Asim Aljić, dipl.pravnik,s.r.**

**„Službeni glasnik Općine Živinice“  
broj: 11/2015**

**SADRŽAJ**

**I - AKTI OPĆINSKOG VIJEĆA ŽIVINICE**

1. Odluka o naknadama članova komisije za socijalnu zaštitu i inkluziju i Općinskog operativnog tima.....1
2. Odluka o izmjeni i dopuni Odluke o visini naknada u postupku usklađivanja redova vožnje na području općine Živinice.....3
3. Zaključak o ispravci greške u Rješenju broj: 09-05-6252/07 od 17.05.2007. godine, po zahtjevu Vasić Radomira sin Radovana iz Zvornika, zastupan po punomoćniku Murisu Ahmećanoviću iz Živinica.....6
4. Zaključci sa 24. redovne sjednice Općinskog vijeća Živinice održane dana 16.06.2015. godine i 29.06.2015. godine.....9

**II – AKTI OPĆINSKOG NAČELNIKA**

5. Rješenje o izmjeni rješenja broj 01/2-05-89-812/14 od 04.07.2014. godine.....13
6. Rješenje o izmjeni rješenja broj 01/2-05-89-1121/14 od 08.09.2014. godine.....14
7. Rješenje o izmjeni rješenja broj 01/2-05-89-1119/14 od 08.09.2014. godine.....15
8. Rješenje o izmjeni rješenja broj 01/2-05-89-1120/14 od 08.09.2014. godine i rješenja broj 01/2-05-89-115/15 od 30.01.2015. godine.....16
9. Rješenje o pokretanju postupka odobravanja i registracije reda vožnje za liniju Odorovići-Živinice.....17
10. Rješenje o formiranju komisije.....19
11. Javni oglas o pokretanju postupka odobravanja općinskog reda vožnje za liniju Odorovići-Živinice.....21

---

«Službeni glasnik Općine Živinice» uređuje: Stručna Služba općinskog vijeća Živinice  
Odgovorni urednik i lektori: Suad Avdagić, Nermina Mahmutbegović i Mersiha Zahirović  
Tehnička priprema i štampa: Služba za opću upravu i društvene djelatnosti  
Kontakt informacije: 035/743-394, ovijece@opcinazivinice.org

---